



2020-mut Ilassutissatut aningaasaliissutinut Inatsisissatut siunnersuut

(Aningaasaqarnermut Nunamullu Namminermut Naalakkersuisoq)

Inuit Ataqatigiiniit, Naalakkersuisut qutsavigaagut, Inatsisartut Inatsisisaat nr. 26, 18.nov. 2010-meersoq malillugu, saqqumiinnerannut.

Suliat 60-t Aningaasaqarnermut akileraartarnermullu ataatsimiititaliamut su-liassanngortinneqarsimapput, 51-t akuerineqarsimallutik, 9-t itigartitsissutigineqarsimallutik. Maluginiarneqaqquneqarlutik taakku saniatigut sisamat Naalakkersuisunit akuerineqarsimasut, marluk Naalakkersuisut innersuussinerit akuerisinnaasaat, marluk Aningaasaqarnermut akileraartarnermullu ataatsimii-titaliamit akuerineqartussaasimasut.

Ukioq 2020 nalinginnaasimanngitsoq, Inatsisissamut siunnersuummi atuarne-qarsinnaavoq. 2020-mi COVID-19-ip kingunerisaanik, immikkut annertuunik an-ingaasartuuteqartariaqarsimavugut.

Naalakkersuisummi saqqummiussaani, atuarneqarsinnaavoq, ukiumi ani-ngaasanut inatsiseqarfiusumi 2020-mi IST-mut missingersuusiarineqarsimasoq 152,6 mio. kr.-nik amigartooruteqarfiussasoq aamma IS-imut missinger-suusiarineqarsimasoq 455,2 mio. kr.-nik amigartooruteqarfiussasoq.

Amigartoorutit matussuserniarlugit Sanaartugassanut, iluarsaaqqinnermullu an-ingaasaateqarfimmiit 311,2 mio. kr. tiguneqarput.

Aningaasaqarnermut akileraartarnermullu ataatsimiititaliamut suliaq aap-passaaniinnginnerani ingerlateqqipparput. Kingunerisinnaasaai, isumaliutissiis-summi allaaserineqarnissaa suliarilluaqqullugu.